




Broj: 13/1-04-028449 /23
Tuzla, 18.12.2023. godine

**PARLAMENT FEDERACIJE
PREDSTAVNIČKI DOM**



PREDMET: Odgovor na poslaničko pitanje, dostavlja se
Veza Vaš akt broj: 05/1-02-414 od 30.10.2023. godine

Na 8. izvanrednoj sjednici Predstavničkog doma Parlamenta Federacije BiH, zastupnica Elzina Pirić je postavila poslaničko pitanje koje se odnosilo na postupak javne nabavke linearnog akceleratora u JZU UKC Tuzla.

Na postavljeno pitanje dajemo sledeći odgovor:

Odlukom Vlade Tuzlanskog kantona, broj: 02/1-04-4249-1/23 od 02.03.2023. godine, data je saglasnost na Ugovor o sufinansiranju nabavke medicinske opreme, broj 13/1-04-004249-2/23 od 08.03.2023. godine, a koji je zaključen između Ministarstva zdravstva Tuzlanskog kantona i Javne zdravstvene ustanove Univerzitetski klinički centar Tuzla, za nabavku Linearnog akceleratora sa CT simulatorom, XSIO softverskom jedinicom, fantomom za provjeru fizičkih mjerenja.

Otvoreni postupak javne nabavke Linearnog akceleratora, CT simulatora, Sistema za planiranje u radioterapiji i Fantoma pokrenut je Odlukom o pokretanju postupka javne nabavke, broj: 02-1308-1/23 od 30.3.2023. godine i objavljen je na portalu javnih nabavki pod brojem: 867-1-1-75-3-92/23 od 30.3.2023. godine.

Datum otvaranja ponuda bio je predviđen 22.05.2023. godine.

Dana 28.04.2023. godine zaprimljena je žalba ponuđača "Siemens Medicina" d.o.o. Sarajevo, na osnovu koje je Ugovorni organ donio Odluku o djelimičnom usvajanju žalbe.

- Na istu je žalilac izjavio žalbu dana 12.05.2023. godine.

Postupajući po istoj, Ugovorni organ je donio Odluku o djelimičnom usvajanju žalbe, gdje su dati i odgovori na sva postavljena pitanja koja je žalilac postavio putem portala e-nabavke.

Žalilac je na naprijed navedenu Odluku izjavio žalbu dana 26.05.2023. godine.

Ugovorni organ je utvrdio da je žalba žalioaca neosnovana, te je Izjašnjenje o žalbi sa potpunom dokumentacijom, prosljeđeno Uredu za razmatranje žalbi, a sve u skladu sa članom 100. stav (5) Zakona o javnim nabavkama.

Ugovorni organ zaprimio je Rješenje Ureda za razmatranje žalbi, dana 27.07.2023. godine. Ured je vratio postupak nabavke na ponovno odlučivanje i u fazu rješavanja žalbe ponuđača od 27.04.2023. godine.

Ugovorni organ je donio Odluku o djelimičnom usvajanju žalbe, dana 09.08.2023. godine, gdje je usvojio nekoliko zahtjeva, i proslijedio Odluku žalioocu.

Ponovo je zaprimljena žalba ponuđača "Siemens Medicina" d.o.o. Sarajevo, broj: JN-18176/23 od 21.08.2023. godine. Ugovorni organ je u skladu sa članom 100. stav (4) Zakona o javnim nabavkama, u roku od 5 dana od datuma zaprimanja, žalbu proslijedio Uredu za razmatranje žalbi sa izjašnjenjem, broj: 02-1308-6-1/23 od 24.08.2023. godine, kao i kompletnu dokumentaciju u vezi sa postupkom protiv kojeg je izjavljena.

Ugovorni organ je sačinio izmjene tenderske dokumentacije u skladu s Odlukom o djelimičnom usvajanju žalbe, broj: 02-1308-5-1/23 od 09.08.2023. godine, izvršio ispravke na portalu javnih nabavki, te na osnovu toga dostavio i dopunu Izjašnjenja o žalbi, broj: 02-1308-6-2/23 od 05.09.2023. godine.

Napominjemo da Ured za razmatranje žalbi nije dostavio Zaključak ili bilo kakvu informaciju o produžavanju roka u rješavanju žalbe od 24.08.2023. godine.

Dana 16.10.2023. godine zaprimljeno je Rješenje Ureda za razmatranje žalbi, broj: JH 2-01-07-1-2341-8/23 od 04.10.2023. godine, kojim se poništava postupak javne nabavke.

Novi postupak javne nabavke ponovo je pokrenut Odluka o pokretanju postupka javne nabavke Linearnog akceleratora, CT simulatora, Sistema za planiranje u radioterapiji i Fantoma 23.10.2023. godine

Postupak je objavljen na portalu javnih nabavki, 23.10.2023. godine. Javno otvaranje ponuda bilo je predviđeno na dan 11.12.2023. godine u 12:00 sati.


Dana 24.12.2023. godine zaprimljena je žalba ponuđača "Siemens Medicina" d.o.o. Sarajevo.

S poštovanjem,

Dostavljeno:

1x Naslovu

1x a/a



MINISTAR
Prim.dr. Dušanka Bećirović